



XALQ DEPUTATLARI DO‘STLIK TUMAN KENGASHINING QARORI

2023 - yil 6 - mart

VI-41-25-3-47-K/23

Do‘stlik tuman hokimligi

Do‘stlik tumanini 2023 yilda ijtimoiy-iqtisodiy rivojlantirish bo‘yicha amalga oshiriladigan chora-tadbirlar “Yo‘l xaritasi”ni tasdiqlash to‘g‘risida

O‘zbekiston Respublikasi “Mahalliy davlat hokimiyati to‘g‘risida”gi Qonunining 6, 24-moddalariga asosan, “O‘zbekiston Respublikasi Prezidentining 2022-yil 28 yanvardagi “2022-2026-yillarga mo‘ljallangan Yangi O‘zbekistonning taraqqiyot strategiyasi to‘g‘risida”gi PF-60-sonli Farmoni va O‘zbekiston Respublikasi Prezidenti Administratsiyasining 2022-yil 2 dekabrda AF-72-sonli Farmoyishi ijrosini ta’minlash hamda Do‘stlik tumanining sanoat va xizmat ko‘rsatish sohalarini rivojlantirish, hududga investitsiya jalb qilishni kengaytirish, kichik biznes va xususiy tadbirkorlik faoliyati uchun qulay sharoit yaratish, mahalliy byudjet daromadlarini oshirish, tashqi muhandislik-kommunikatsiya infratuzilmasini hamda jamoat transportini rivojlantirish, “Temir daftar”, “Ayollar daftari” va “Yoshlar daftari”ga kiritilgan fuqarolarning mehnat faolligini oshirish, mahallalarni ijtimoiy-iqtisodiy yuksaltirish, ijtimoiy ma’naviy muhitni sog‘lomlashtirish, sog‘liqni saqlash va ta’lim sohalarida xizmatlar sifatini yanada yaxshilash maqsadida, Xalq deputatlari tuman Kengashi

QAROR QILADI:

1. Do‘stlik tumanini 2023-yilda ijtimoiy-iqtisodiy rivojlantirish bo‘yicha amalga oshiriladigan chora-tadbirlar “Yo‘l xaritasi” ilovaga muvofiq tasdiqlansin.
2. Tuman hokimining moliya-iqtisodiyot va kambag‘allikni qisqartirish masalalari bo‘yicha birinchi o‘rinbosari (B.Daniyarov), tuman hokimining qurilish, kommunikatsiyalarni rivojlantirish, ekologiya va ko‘kalamzorlashtirish masalalari bo‘yicha o‘rinbosari (A.Tinchlikov), tuman hokimining yoshlar siyosati, ijtimoiy rivojlantirish va ma’naviy-ma’rifiy ishlar bo‘yicha o‘rinbosari (N.Saxatov), tuman

hokimining o‘rinbosari - oila va xotin-qizlar bo‘limi boshlig‘i (M.Suyunova), tuman hokimining o‘rinbosari - tuman investitsiyalar va tashqi savdo bo‘limi boshlig‘i (I.Qarshiboev), hokim yordamchilari va bo‘lim boshliqlariga:

- tumanining ijtimoiy-iqtisodiy rivojlantirish hududiy dasturiga muvofiq, maqsadli ko‘rsatkichlar ijrosini to‘liq ta‘minlash, yetakchi tarmoqlarda iqtisodiyotni samarali rivojlanishiga zamin bo‘luvchi o‘sish sur‘atlari ta‘minlanishini doimiy nazoratga olish;

- tumanni ijtimoiy-iqtisodiy rivojlantirish, mahallalar hududida belgilangan qurilish-ta‘mirlash, obodonlashtirish ishlarini, shuningdek, “Obod mahalla” dasturi va “Yashil makon” umummilliy loyihasi ijrosini ta‘minlash;

- ijtimoiy rivojlanish yo‘nalishida aholi o‘rtasida ishsizlikni kamaytirish, yangi ish o‘rinlarini tashkil etish, odamlarning daromadlarini oshirish, fan va uzluksiz ta‘limni rivojlantirish, tibbiy xizmatlar sifatini yaxshilash orqali aholini qamrab olishni kengaytirish, aholining ijtimoiy himoyaga muhtoj qatlami, xotin-qizlar, yoshlar, muammolarini “Temir daftar”, “Ayollar daftari” va “Yoshlar daftari”ni namunali yuritish orqali tizimli ravishda hal etish, odamlarning turmush sharoitlarini yaxshilash, farovonligini oshirish, jamiyatda sog‘lom turmush tarzini qaror toptirish, jismoniy tarbiya va sportni ommalashtirish vazifasi yuklatilsin.

3. Do‘stlik tumanini 2023 yilda ijtimoiy-iqtisodiy rivojlantirish bo‘yicha “Yo‘l xaritasi”da belgilangan vazifalarni tizimli amalga oshirish va amalga oshirilgan ishlar natijadorligi yuzasidan har chorak yakuni bo‘yicha Xalq deputatlari tuman Kengashiga hisobot kiritib borilsin.

4. Mazkur qaror tuman hokimligining rasmiy nashrlarida e‘lon qilinishi tavsiya etilsin.

5. Mazkur qaror ijrosining nazorati xalq deputatlari tuman Kengashining Mahalliy byudjet, iqtisodiy islohotlarni amalga oshirish, investitsiyalar va tadbirkorlikni rivojlantirish masalalari bo‘yicha doimiy komissiyasi hamda Sanoat, transport, qurilish, kommunal soha va aholiga xizmat ko‘rsatish masalalari bo‘yicha doimiy komissiyasi zimmasiga, ijrosini ta‘minlash tuman hokimining barcha o‘rinbosarlari zimmasiga yuklansin.

6. Ushbu qaror tasdiqlangan kundan e‘tiboran kuchga kiradi.

Tuman hokimi



SH.Darvishev

Xalq deputatlari Do'stlik tuman Kengashining
2023 yil 6 martdagi
VI-41-25-3-47-K/23-son qaroriga
1-ilova

Do'stlik tumanini 2023 yilda ijtimoiy-iqtisodiy rivojlantirish bo'yicha amalga oshiriladigan chora-tadbirlar

YO'L XARITASI

T/R	Amalga oshiriladigan chora-tadbirlar	Amalga oshirish mexanizmi	Ijro muddati	Talab etiladigan mablag'	Ijro uchun mas'ullar
I. Sanoat va xizmat ko'rsatish sohasini rivojlantirish.					
1.	Sanoat ishlab chiqarish hajmi 2023 yilda 1195,8 mlrd so'm, 104,1 foizga oshirish.	1. Hududiy sanoat ishlab chiqarish hajmi 2023 yilda 88,8 mlrd. so'm, 119 foizga o'sishini ta'minlash. 2. Umumiy qiymati 98,7 mlrd.so'm bo'lgan 10 ta investitsiya loyihalarini amalga oshirish va 342 ta ish o'rinlarini yaratish. 2. Kam quvvatda ishlayotgan hamda 2022 yilda ishga tushirilgan investitsiya loyihalarining to'liq quvvatda ishlashini ta'minlash.	2023 yil davomida	98,7 mlrd.so'm (o'z mablag'i, bank krediti xorijiy investitsiyalar Bank kreditlari, tashabbuskor mablag'lari, Xorijiy investitsiyalar)	Tuman hokimligi, Investitsiyalar, sanoat va savdo bo'limi, Iqtisodiyot va moliya bo'limi, tijorat banklari
2.	Xizmat ko'rsatish hajmini 2023 yilda 350,1 mlrd. so'm, 115,7 foizga oshirish..	1. 184 ta yangi xizmat ko'rsatish loyihalarni ishga tushirish. 2. Umumiy qiymati 327,1 mlrd.so'm bo'lgan 166 ta investitsiya loyihalarini amalga oshirish va 436 ta ish o'rinlarini yaratish. 3. Yo'l bo'yida savdo va xizmat ko'rsatish ob'ektlarini ishga tushirish.	2023 yil davomida	57,6 mlrd.so'm (o'z mablag'i, bank krediti xorijiy investitsiyalar Bank kreditlari, tashabbuskor mablag'lari, Xorijiy investitsiyalar)	Tuman hokimligi, Investitsiyalar, sanoat va savdo bo'limi, Iqtisodiyot va moliya bo'limi, tijorat banklari

T/R	Amalga oshiriladigan chora-tadbirlar	Amalga oshirish mexanizmi	Ijro muddati	Talab etiladigan mablag'	Ijro uchun mas'ullar
3.	1 ta mahallasi U.Nosir ko'chasida 24 soat xizmat ko'rsatish ob'ektlari joylashgan ko'ngilochar ko'cha tashkil qilish.	1. Xizmat va servis ob'ektlarini tashkil etish maqsadida bo'sh yer maydonlarini aniqlash. 2. Ko'ngilochar ko'chani infratuzilma bilan ta'minlash.	2023 yil aprel 2023 yil may	Hisob-kitoblar asosida (Bank kreditlari, tashabbuskor mablag'lari)	Tuman hokimligi, Iqtisodiyot va moliya bo'limi, tijorat banklari
4.	Do'stlik ko'chasidan Oxunboboev ko'chasigacha 0,6 km qismida bo'sh turgan yer maydonlarini "K-savdo" elektron platformasi orqali savdoga qo'yib, 13 ta ko'chma savdo ob'ektlarini 24/7 faoliyat yurituvchi dam olish va ko'ngilochar markazlarini yaratish.	1. Xizmat va servis ob'ektlarini tashkil etish maqsadida bo'sh yer maydonlarini aniqlash. 2. Aniqlangan bo'sh er maydonlarida "K-savdo" orqali lotlarni auksion orqali savdoga chiqarish. 3. "K-savdo" elektron platformasiga kelib tushgan murojaatlarni o'z vaqtida ko'rib chiqish. 4. Loyihani ishga tushirish.	2023 yil aprel 2023 yil may	Hisob-kitoblar asosida (Bank kreditlari, tashabbuskor Mablag'lari)	Tuman hokimligi, Iqtisodiyot va moliya bo'limi, tijorat banklari
II. Investitsiya jalb qilishni kengaytirish, investitsiya loyihalarini ishga tushirish, hududni eksport salohiyatini oshirish.					
5.	Hududni jadal rivojlantirish maqsadida umumiy qiymati 164,3 mlrd.so'm bo'lgan 37 ta investitsiya loyihalarini amalga oshirish va 532 ta ish o'rinlarini yaratish.	1. Loyihalarni ishga tushirish bo'yicha tarmoq jadvallarini ishlab chiqish va tasdiqlash. 2. Loyihalarni amalga oshirish jarayonida doimiy monitoringni yo'lga qo'yish va yuzaga kelayotgan muamamolarni bartaraf etish. 3. Belgilangan muddatda loyihalarni ishga tushirish.	2023 yil davomida	(o'z mablag'i, bank krediti xorijiy investitsiyalar Bank kreditlari, tashabbuskor mablag'lari, Xorijiy investitsiyalar)	Tuman hokimligi, Investitsiyalar, sanoat va savdo bo'limi, tijorat banklari

T/R	Amalga oshiriladigan chora-tadbirlar	Amalga oshirish mexanizmi	Ijro muddati	Talab etiladigan mablag'	Ijro uchun mas'ullar
6.	2023 yilda jami 50,2 mln. dollarlik investitsiyalarni o'zlashtirish.	1. Davlat dasturiga asosan 4,9 mln dollar investitsiyalarni o'z muddatlarida o'zlashtirish. 2. Hududiy dasturiga asosan 4,2 mln dollar investitsiyalarni o'z muddatlarida o'zlashtirish. 3. Tumanning mavjud salohiyatlaridan kelib chiqib, hamda "Loyiha guruhlari"ning faoliyatini to'g'ri yo'lga qo'ygan holda qo'shimcha 40,9 mln dollarlik investitsiyalarni o'zlashtirish.	2023 yil davomida	(xorijiy investitsiyalar Bank kreditlari, tashabbuskor mablag'lari, Xorijiy investitsiyalar)	Tuman hokimligi, Investitsiyalar, sanoat va savdo bo'limi, tijorat banklari
7.	Tumanda 30 051,8 mln. dollarlik sanoat va qishloq xo'jalik mahsulotlari eksportini amalga oshirish.	1. Eksportbop mahsulot turlarini ko'paytirish 2. Eksport qiluvchi korxonalarga har tomonlama ko'maklashish.	2023 yil davomida	Bank kreditlari, tashabbuskor mablag'lari	Tuman hokimligi, Investitsiyalar, sanoat va savdo bo'limi, tijorat banklari
8.	"Sanoatchilar" MFY hududidagi mavjud kichik sanoat zonasiga loyihalarni joylashtirish va samarali foydalanish.	1. Kichik sanoat zonasi yer maydonini belgilab olish va aniqlangan lotlarni belgilangan tartibda auksion savdolariga chiqarish. 2. Loyihalarni tarmoq jadvalini tasdiqlash. 3. Kichik sanoat zonasida umumiy qiymati 17,9 mlrd.so'm bo'lgan 5 ta loyihalarni ishga tushirish.	2023 yil mart 2023 yil iyun 2023 yil avgust	hisob -kitoblar asosida (Bank kreditlari, tashabbuskor Mablag'lari)	Tuman hokimligi, Investitsiyalar, sanoat va savdo bo'limi
III. Kichik biznes, xususiy tadbirkorlikni rivojlantirish					
9.	Tumanda tadbirkorlikni rivojlantirish.	1. YAngi 255 ta tadbirkorlik sub'ektlarini tashkil qilish. 2. Mahallalarda 185 ta mikro-loyihalar tashkil etish.	2023 yil davomida	hisob -kitoblar asosida (Bank kreditlari, tashabbuskor Mablag'lari)	Tuman hokimligi, tijorat banklari

T/R	Amalga oshiriladigan chora-tadbirlar	Amalga oshirish mexanizmi	Ijro muddati	Talab etiladigan mablag'	Ijro uchun mas'ullar
10.	2023 yilda "Har bir oila – tadbirkor" dasturi doirasida 37,6 mlrd.so'm mablag' ajratish hisobiga 850 ga yaqin yangi loyiha ishga tushirish choralari ko'rish.	1. Hokim yordamchilari tomonidan tadbirkorlik kilish istagi bor fukarolarni aniqlash. 2. Hokim yordamchilari tomonidan ariza bergan fukarolarni monitoring kilib, tavsiyanomalar berish. 3. Tijorat banklari tomonidan tuzilgan shartnoma asosida kredit mablag'larini ajratish. 4. Loyihani o'z muddatida ishga tushirish choralari ko'rish.	2023 yil davomida	37,6 mlrd.so'm (Bank kreditlari)	Tuman hokimligi, Kambag'allikni qisqartirish va bandlik bo'limi
11.	Navro'z va Sanoatchilar mahallalarida 3 gektar yer maydonlarida savdo, hunarmandchilik, kasanachilik va xizmat ko'rsatish yo'nalishlarida 2 ta mikromarkaz tashkil etish.	1. Mikromarkaz tashkil etiladigan mahallalarda yer maydonini ajratish. 2. Ajratilgan yer maydonini lotlarga taqsimlab "E-AUKSION" savdolariga chiqarish. 3. Qurilish va ta'mirlash ishlarini sifatli amalga oshirish hamda ob'ektlarni foydalanishga topshirish.	2023 yil mart	hisob-kitoblarga asosan (Bank kreditlari, tashabbuskor mablag'lari)	Tuman hokimligi, Davlat aktivlari hududiy boshqarmasi, Kambag'allikni qisqartirish va bandlik bo'limi
12.	Mavjud 25 ta bo'sh turgan bino-inshootlardan samarali foydalanishni tashkil etish.	1. Hududdagi bo'sh turgan bino-inshootlarni xatlovdan o'tkazish. 2. Bo'sh turgan ob'ektlardan samarali foydalanish orqali yangi loyihalarni ishga tushirish.	2023 yil mart 2023 yil davomida	Hisob-kitoblar asosida (Bank kreditlari, tashabbuskor mablag'lari)	Tuman hokimligi, Davlat aktivlari hududiy boshqarmasi, Kambag'allikni qisqartirish va bandlik bo'limi
IV. Aholini ijtimoiy qo'llab-quvvatlash va bandligini ta'minlash.					

T/R	Amalga oshiriladigan chora-tadbirlar	Amalga oshirish mexanizmi	Ijro muddati	Talab etiladigan mablag'	Ijro uchun mas'ullar
13.	Jami 13 649 ming nafar aholining bandligini ta'minlash choralari ko'rish. SHundan: - Qurilish, transport va kommunal sohasida 310 ta; - Investitsiyalar, tashqi savdo va mahalliy sanoatni rivojlantirish hisobiga 532 ta; - Qishloq, suv va o'rmon xo'jaligi 9521 ta; Moliya-iqtisod, tadbirkorlik va kambag'al-likni qisqartirish hisobiga 3055 ta; Turizm va madaniyat sohasi 231 ta.	1. 5254 nafarini doimiy ish o'rinlariga ishga joylashtirish. 2. 7714 nafarini mavsumiy ishlarga joylashtirish. 3. 681 ta ish o'rinlarini legallashtirish.	2023 yil davomida	Hisob-kitoblar asosida (Bank kreditlari, tashabbuskor mablag'lari, xorijiy investitsiya mablag'lari)	Tuman hokimligi, Investitsiyalar, sanoat va savdo bo'limi, Kambag'allikni qisqartirish va bandlik bo'limi, Qishloq xo'jaligi bo'limi
14.	Tumanda faoliyat yuritayotgan hokim yordamchilari tomonidan 12ta mahallalarda 185ta kichik mikroloiyihalarni ishga tushirish.	1. Loyixalarning tarmoq jadvalarini ishlab chiqish. 2. Kredit olish istagini bildirgan tadbirkorlarga bank kreditlarini ajratib berish.	2023 yil mart 2023 yil davomida	hisob-kitoblarga asosan (Bank kreditlari, tashabbuskor mablag'lari, xorijiy investitsiya mablag'lari)	Tuman hokimligi, Tijorat banklari, Kambag'allikni qisqartirish va bandlik bo'limi

T/R	Amalga oshiriladigan chora-tadbirlar	Amalga oshirish mexanizmi	Ijro muddati	Talab etiladigan mablag'	Ijro uchun mas'ullar
15.	Paxta va g'alladan qisqartirilgan yer maydonlari hisobidan 401 gektar yer uchastkalarini fuqarolarga ochiq elektron tanlov orqali ijara huquqi asosida ajratishni ta'minlash.	1. Ekin maydonlarining aholi punktlariga yaqin, suv ta'minoti yaxshi bo'lgan erlardan tanlanishi, tuman hokimligining zaxirasiga qaytarishni va davlat mulki sifatida davlat ro'yxatidan o'tkazishni ta'minlash. 2. Zaxiraga olingan yer uchastkalarini fuqarolar va hokim yordamchilari bildirgan takliflarga asosan yer tuzish ishlarini amalga oshirish hamda 0,3-1 gektargacha elektron tanlovlarga chiqarish.	2023 yil mart 2023 yil davomida	hisob -kitoblar asosida (Mahalliy byudjet mablag'lari)	Tuman hokimligi, Qishloq xo'jaligi bo'limi, Kadastr bo'limi
V.Aholini uy-joy bilan ta'minlash, ijtimoiy infratuzilma va muhandislik-kommunikatsiya rivojlantirish					
16.	Tumanda 7 ta 140 xonadonga mo'ljallangan ko'p qavatli uylar qurish.	1. Uy-joylar quriladigan yer maydonini ajratish. 2. Loyiha-smeta hujjatlarini ishlab chiqish. 3. Uy joyga muhtoj aholiga subsidiya ajratish.	2023 yil mart 2023 yil davomida	hisob -kitoblar asosida (Mahalliy byudjet mablag'lari)	Tuman hokimligi, Tijorat banklari, Qurilish bo'limi, Iqtisodiyot va moliya bo'limi
17.	Aholini 9 km ichimlik va oqova suv tarmog'ini yaxshilash	1. Loyiha-smeta hujjat-larini ishlab chiqish va ekspertiza xulosalarini olish. 2. YAkuniy loyihaviy mablag'larga manzilli dastur shakllantirish va moliyalashtirishga taqdim qilish. 3. Ajratilgan mablag'larni ishlab chiqilgan loyiha-smeta hujjatlari asosida bosqichma-bosqich amalga oshirish.	2023 yil mart 2023 yil davomida	5,3 mlrd.so'm (Respublika byudjeti mablag'lari)	Tuman hokimligi, Tijorat banklari, Iqtisodiyot va moliya bo'limi, Viloyat "O'zsuvta'minot" MCHJ

T/R	Amalga oshiriladigan chora-tadbirlar	Amalga oshirish mexanizmi	Ijro muddati	Talab etiladigan mablag'	Ijro uchun mas'ullar
18.	Tumanda 26,9 km elektr tarmog'i tortish, 8 ta transformatorlarni ta'mirlash va yangilash.	1. Loyiha-smeta hujjatlarini ishlab chiqish. 2. Qurilish ta'mirlash ishlarini amalga oshirish.	2023 yil mart 2023 yil avgust	hisob -kitoblar asosida (<i>"Hududiy elektr tarmoqlari" AJ</i>)	Tuman hokimligi, Iqtisodiyot va moliya bo'limi, "Jizzax elektr tarmoqlari" korxonasi
19.	3 ta mahallalarda 30,1 km ichki yo'llarni ta'mirlash.	1. Loyiha-smeta hujjatlarini ishlab chiqish. 2. Ta'mirlash ishlarini amalga oshirish.	2023 yil mart 2023 yil avgust	hisob -kitoblar asosida (<i>"Mahalliy va Respublika byudjet mablag'lari</i>)	Tuman hokimligi, Iqtisodiyot va moliya bo'limi, "Mintaqaviy yo'llarga buyurtmachi xizmati" DUK